

唐 道宣律祖著

宋 元照律師記

弘一律師題科標圈參議

二埋法師題科標圈參議

四分律含註戒本疏行宗記



未自卷二十一頁
丙二義張三位
丁二結前標後

丁二約義科判
戊一標判三如文

四分律含註戒本疏行宗記卷第二

戒本上之二〇疏一
之二〇記一上之二

宋餘杭郡沙門元照述

疏自上已來略於文前開示標相。今次就文義張三位。

結前中。標相者。標卽教詮。相卽前四章總別門中所明之義。今下標後。

疏初從稽首禮諸佛下一段偈。明法正無學。將傳行教。光被於時。但爲末代鈍機。情多狡詐。謂是別懷。未能師奉。故先歸敬。歎戒功能。勸以奉行。名廣略二教總序。興致已彰。正宗宜顯。故次第二。從和合僧集下。

至當於中學來名廣略二教別序正流通盛開持犯諸通塞行別行已成眾德圓滿後當流演顯無窮之相是以第三明人能護戒下總舉兩教勸修弘益

總判中初明序分狡猾詐諂謂多猜疑無淳信也別懷者下釋歸意云謂妄意言不承宗緒故先歸敬者卽初一偈歎戒功者卽次一偈勸奉行者卽欲除下諸偈也正宗中廣略二教各有序正流通故云別也合此二教總爲正宗序與流通皆言總者並望二教各有三分爲言通塞卽開遮持犯開遮通該廣略總收諸戒流通中云別行者躡前正

此三別釋
 乙二廣略教持序分
 乙三廣略教別序正流
 通正字分
 乙三廣略教持序正流
 庚三種分別三序
 辛三種分別三序
 壬三種分別三序

宗廣略不同又二教中行相各異故遵奉二教道業內著美望外彰故云眾德滿也

疏就前二序三種分別一名二意三前後也

疏就初名分有四種異一約人異前偈法正所撰和合已下如來布教二對時異前偈未來百年正序如來初化三總別異前偈法正一宗和合通五百部四就義異前是勸信後是所傳發起序也

序分初科立名中四異皆云名者一法正如來從人名也二未來現在對時名也三前別後總就宗名也第四例同諸經名義可解

疏二建意不同。若據當時敷化。各唯一意。如來正序。不慮不行。何有勸信。止是發起之由。不妨勸信。叙已集結。義兼發起。據後引成。非是臆說。是則發起亦通勸信。

建意中。初明別意。文中但敘佛不須勸。則顯法正不勞發起。以教興佛世。正但傳弘。止須加勸。此彰二序各專一意。不妨下次示互通。前敘結集。意發正宗。後引佛序。意在證信。言引成者。謂引佛序成正宗故。

疏三明前後者。問發起之序。興在於前。今何後列。答

唐四部科判偈文
幸一檢分

若致在初有兩非便。一彰廣序隔於正宗。不相鄰接。
發起非便。二彰勸信本意不具。謂唯勸宗。不勸廣序。
今總居先。二種都便。反上解取。

前後中約時不次。非理爲問。答中兩非便者。初據
發起非便。後卽勸信非便。反上解者。一彰不隔。二
得皆勸。故云都便。

疏就初序文。分爲四節。前有半偈。明將演正法。濁世
障多。恐有留難。故歸敬三寶。稟承加護。二有半偈。歸
敬本意。令法久住。三戒如海。下九偈。廣列戒之體相。
呈露時心。勸以奉持。四世間下。明教行攝持。功不虛。

義

三三隨釋四
三三偈歸教三寶
三三約義懸釋
三三合釋

三三隨釋二
三三歸教三寶
三三初畧示名義
三三初叙意

三三別釋二
三三初釋別名
三三已佛

四節判中。總分。偈文。四句爲一偈。二句爲半偈。一句但云句耳。自下分文皆爾。

律 稽首禮諸佛 及法比丘僧

疏就初文中。義文分二。初釋三寶後解歸意。

疏且夫三寶三緣不同。初名義者。自可如常。不學不知。故須略引。

初半偈。略示中。初科爲二。初示境別。緣卽境也。初下次敘名義。顯今須釋。

疏言佛者。梵云佛陀。或云浮陀。佛馱步他。浮圖。浮頭。

蓋傳音之訛耳。此無其人。以義翻之名爲覺者。具二義故。言覺察者。對煩惱障。四住如賊。唯聖覺知。言覺悟者。對所知障。無明如睡。唯聖獨悟。無明有二。一迷事無明。善覺三趣。二迷理無明。覺法實性。通而獨悟。並名爲覺。

釋佛爲二。初翻名。梵名有七。或云沒陀。或下加耶字。具下。次釋義。覺察義中。煩惱障不出十支。總爲見思。三界見惑。麤故易斷。合爲一住。三界思惑。微細難破。離之爲三。故爲四住。此障凡夫不覺。二乘同斷。覺悟義中。無明一住。通號無明。別分事理。初

迷事者。障俗諦故。世出世法。唯佛通達。名如量智。
故能開覺一切眾生。故云三趣。謂人非人畜。總收
六道。並是所覺。此謂覺他也。二迷理者。障真諦故。
法性眞理。唯佛盡證。境智相冥。名如理智。此卽自
覺也。然此二覺。二乘不覺。菩薩分覺。後二句總結。
通而獨悟。唯局果人。此卽覺行滿足也。佛地論云。
具一切智。一切種智。二智對離煩惱障及所知障。
對疏於一切法。一切種相。眞俗能自開覺。亦能開
覺一切有情。自他如睡夢覺。如蓮花開。夢喻迷事。
故名爲佛。揀因人也。更欲委辨。非宗且略。

疏所言法者。此土方言。大夏梵音卽云達磨。或云曇
無曇摩之異傳耳。未解聲明。故言多僻。法有二義。一
自體解法。如三聚等。二軌模解法。今據後義。至聖演
教。意在成行。如車從轍。如器從模。法非目覩。以喻成
也。又如行必從道。道不從人。道卽行之所依法式。無
越此也。

釋法中。初示華梵。西國有聲明論。辨定語音訛正。
今指翻傳之人。未善彼論。故所出不同。法下釋義。
初言三聚者。一色。二心。三非色非心。此三體性差
別。不相混濫。故云自體。次義如文自顯。初標示。至

下喻釋又二。初約車器喻。二取道路喻。釋成軌模義也。並上二句立喻。下二句對合。

疏僧者。天音具云僧伽。此無其人。以相翻之。號爲眾也。或有舊解。言和合眾。卽體相爲名。言斯等人同具六和。四人非一。崇成眾法故也。然諸經中。但單眾翻。不兼體說。廣如羯磨疏解。

釋僧中。初翻名。單就相翻。是今正譯。或下出古解。初翻名。和合是體。眾卽是相。言下釋義。具六和者。釋上體也。四人者。釋上相也。成眾法者。辦一切羯磨也。然下指歸正義。羯磨疏中。但取眾翻。廣有廢

立不復繁引

疏此三益世。近按三有遠清二死。希世獨達可重名。寶。故寶性論喻分六義。一希有義。世寶貧窮所無。三寶。薄福不遇。二離垢義。世寶體無瑕穢。三寶絕離諸漏。三勢力義。世寶除貧去毒。三寶六通難思。四莊嚴義。世寶嚴身令好。三寶能嚴法身。五最勝義。世寶諸物中勝。三寶諸有無上。六不改義。世寶鍊磨不變。三寶八法不動。上雖六解同舉喻成。覈其實字同訓珍美。如常所引。

通名中二。初約義略釋。上三句顯益。近遠二字必

對因果。二死者。一曰分段。三乘共亡。二曰變易。唯佛永盡。希下一句結名。希世者。世間無故。獨達者。超諸有故。故下引文廣釋。今用四種三寶。對此六義。初義通四。住持無信不遇。化相無緣不遇。舍衛三億。可以明之。理體局聖。凡愚不遇。一體二乘不遇。第二義中。唯約理寶。歸敬儀云。住持三寶。體是有爲。具足漏染。又云。化相體是無常。四相所遷。滅過千載。但可追遠。用增翹敬。據後一體。在迷隨染。故此三種皆無此義。第三喻中。六通在人。唯對化相。神境他心。天眼天耳。宿命漏盡。六皆明徹。總號

爲通。毒謂苦惱。下云寶能現除貧苦。與此頗同。第四通四。住持化相。能發信仰。理體一體。可以修證。皆是嚴身。第五亦通四。餘三易解。住持佛法。雖是世物。莫不表示法身功用無極。儀云。金木石土。體是非情。以造像故。敬毀之人。自獲罪福。故知此寶得名無上。法亦準同。剃染之僧。爲世福田。人天中勝。破戒惡行。猶過外俗。況餘持奉。其勝可知。第六唯局理寶。儀云。此之三寶。常住於世。不爲世法之所陵慢。一體雖常。然就迷邊。隨緣流變。餘二無常。非所論矣。八法者。智論云。衰利毀譽稱譏苦樂。四

宣三重分四別

卯一標分

卯二隨釋四
及二與眾相二

巳一標標

巳二隨釋四如文

違四順。能動物情。名爲八風。理實人法。皆是出世。無漏聖道。不爲八法之所動故。上下總結。

疏就三寶中。重分四別。一舉眾相。二明本末。三分次第。第四敘功用。

重分中。前但釋名。名通四位。故開義門。料簡顯別。故云重也。

疏初眾相中。有四種三寶。

一眾相中。他宗皆闕理寶。四位分別。獨出今疏。

疏一理體者。如五分法身爲佛寶。滅理無爲是法寶。聲聞學無學功德是僧寶。一化相者。如釋迦道王三。

千爲佛寶。演布諦教爲法寶。拘鄰等五爲僧寶。三住持者。形像塔廟爲佛寶。紙素所傳爲法寶。戒法儀相爲僧寶。四一體者。如常所論。唯約心體。義分三相。如涅槃說三寶同性等。

——初明理寶。文出多論。五分者。戒定慧從因受名。解脫解脫知見。從果彰號。由慧斷惑。惑無之處。名解脫。出纏破障。反照觀心。名解脫知見。滅理四諦滅諦。涅槃學無學者。初果已去。同見眞諦。名理和僧。然此理寶亦卽同體。但望佛僧證理邊爲別。故多論云。佛亦是法。法亦是佛。僧亦是法。止是一法。相

有差別。故分三寶。化相中。三千者。所化之境。諦教。卽四諦。法門雖多。而以首者言之。又四諦統攝。凡聖因果。大小教門。廣略異宜。無出此四。拘鄰。此云本際。卽鹿苑中初度五人。首曰拘鄰。卽憍陳如也。二曰頹陞。三曰跋提。四曰十力迦葉。五曰摩訶拘利。住持中。戒法是僧體。儀相卽削染也。一體中。如常論者。卽指經論之宗。三相如後自委。

疏二明本末者。

二明本末——

疏四種之中。初理爲本。餘三從相。故爲末也。如毀佛

辰三明本末
已二釋

巳三釋
午一相望說明